

Gure bost ezaugarri jarriak

I

Banidosoak gara pertsonak
horrek kentzen digu loa
“ni harro nago jaioterriaz”
“nik ze pektoral txuloa!”
urrutitik so dagonarentzat
nolako ridikuloa...
baina norberak ez du ikusten
bere atzeko zuloa.



MADDI SOROKA

IV

Giza-andreok geurekoi gara
ez abereen antzeko...
“nire txakurrak”, “nire” behar du
sentiduren bat hartzeko...
Nola konpondu munduan bonba
atomika ez lehertzeko?
mila bilera behar badira
igogailu bat jartzeko.

II

Mugikortasun zaleak gara
A-8ra edo irten...
bat nora doan eta zergatik,
ez da samurra jakiten!
Hau eta hura egin nahi dugu,
eta dena ziztu baten
animalia bakarrak gara
ez dakigunak egoten.

V

Zorionaren bila hastea
giza-ezaugarri sakona
bistako denaz ohartu gabe,
bila hara, bila hona.
Hainbeste mende igaroarren
ez da jabetu pertsona
zorionaren itxaron-gelan
dagoela zoriona.

III

Premiak sortzen dizkigutenez
kontsumoari nork laga
baina pertsonak premiak ditu
jan-edan-jaztetik hara...
Premia hoiek ase nahi eta
piztia sinistun gara
biak nahastuta zer geratzen da?
nikietan Che Guevara.

VI

Banidosoak, ezinegonak,
kontsumozale, bistan da...
geurekoi eta zoriogose
koktelak a zer eztanda!
Mundua oso gaizki doala
hamaika aldiz esan da...
okerrago ere joan daiteke
geu holakoak izanda.